

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

فکرندیک محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توقیحات

ارضروم ولایتی مرکز بدایت محکمه سی حقوق
دائره سی رئیس ایکن بوکره ولایت مذکوره استیناف
محکمه سی مدعی عمومیلکنه ترفیع بیورلش اولان
عزتلو عبد الرحمن عزیمی افندی به ترفیعاً رتبه ثانیه
صنف متمیزی توجیه بیورلمشدر.

تعیین و تحویل

رازلق قضاسی بدایت محکمه سی اعضا لغه
کلیولی قضاسی بدایت محکمه سی ضبط کتبه سندن
اوسب فخری افندی تعیین اولمشدر.

تبلیغات

٦٣٩ نومرولی نسخه ده مندرج پولیس

نظامنامه سنک مابعدی:

١١٥ ماده سرسری ومظنه سوء طاقندن
اولوبده اون درت یاشندن اشاغی بولنلر یکرمی
یاشنی اکال ایدنجیه قدر ضبطیه نظارتی آلتده
بولندیریه جقلرندن کندولرینه برکسب وصنعت تعلیم
ایتدیرلمک وتربیه لرینه باقلمق اوزره ضابطه طرفندن
تأمینات اخذیه پدر ویا والده لرینه ویا ولی واقربا لرینه
تسلیم ویا خود تعلیم وتربیه لری وسائلی استکمال
اولنور.

١١٦ ماده صید بری وبجری نظامنامه لری
موجبجه صید تذکره سی آلمق سزین برآ وبجراً صید
وشکار ایدنلر وشکار موسمنک غیری زمانلرده صید
ایتمک ایستینلر تذکره لری اولسه بیله منع اولنه حق
وآلات واسلحه صیدیه لری اخذوضبط ایدیه جکدر.

١١٧ ماده حقوق مدینه دن اسقاط جزاسیله
محکوم اولانلر وسرسریرلر واون سسکر یاشنی اکال

ایتمامش اولانلرله ضبطیه نظارتی آلتنه آلتان محکوملر
وحکومتجه سلاح طاشیمسی منع ایدیلانلرله آو
تذکره سی ویرلز وبولردن برصورتله تذکره آلمش
اولانلر کوریلورایسه طوتیلوب هم تذکره سی وهمده
سلاحی آلتور.

١١٨ ماده شهر وقصبه لردروننده ومسیره لرده
ومملکت باغچه لرنده صیدوشکار منع ایدیلور.

١١٩ ماده انشاسی اراده سنیه حضرت
پادشاهینک شرفصدورینه متوقف اولان معابد ومکاتب
وسائر بوقیلدن اولان ابنیه نک اراده سنیه استحصال
اولمق سزین انشاسنه تشبث ایدلرکی استخبار اولندی
حاله بلا تأخیر دائره متعلقه سنه معلومات ویریه جکدر.

١٢٠ ماده نظامنامه مخصوصلری موجبجه
رخصت رسمیه استحصال اولندجه مطبعه کشادی
وهر نوع غزته وکتب ورسائل واعلانات وسائر
طبع ونشری ممنوع اولدیقندن رخصتسز آچیلیمش
اولان مطبعه لری وکذلک بلا رخصت طبع اولان
کتب ورسائل وغزته وسائر یی استخبار ایدلرکی
حاله بلا تأخیر دائره متعلقه سنه معلومات ویرلر.

١٢١ ماده غزته وسائر اوراق موقوته نقل
وفروخت وتوزیع ایدنلرک جاده وزقاقلرده صاقلری
اوراقلک مندرجاتندن بحثله باغرملی ممنوعدر.

١٢٢ ماده تیاترو وچالغیلی قهوه لرکی لعبیات
محللرنده مأمورین عائد سنجه پیه سی تدقیق وتصدیق
اولمش لعبیاتندن ماعدا اولانلرک اویناتدیرلما سنه
ومناسبستز قطو وشرقیلرک سولیتدیرلما سنه ومغایر
آداب احوال وقوعه کلام سنه دقت ونظارت اولنه حق
وقویپه سی مصدق اولمیان لعبیاتک اجراسی ومناسبستز
قطو وشرقیلرک سولیتنسی وآداب واخلاق عمومیه
مغایر اولان اوضاع وحرکات منع ایدیه جکدر.

١٢٣ ماده بعض خانه قبولرینه واتویه برویه
براقیلان وتارکی مجهول اولان یکی طوغمش چو جقلر
حقنده پولیسجه تحقیقات ایفاقلنه رق برضبط ورقه سی
تنظیم وبولردن اوزرنده علامات فارقه سی بولنلرک
منسوب اولدینی جماعته وعلامات فارقه سی اولمیانلرک

در سعادت دارالعجزیه وطشره لرده اصلاحخانه
وایتاخانه کبی یرلره واولمدینی حاله محلی دوائر
بلدییه سنه تسلیم واوراقلده نفوس قیدی اجرا اولمق
اوزره عائد اولدینی دائره به تسیر اولنه جکدر.

١٢٤ ماده اطفال متروکدن بری ولد معنوی
اتخاذ اولمق اوزره ایستیلورایسه ایستیندن تأمینات
اخذیه چوجق کندوسنه تسلیم وکیفیت اوراقلده
تصریح اولنور.

١٢٥ ماده برمحله علت ساریه ومستولیه
ظهور ایدر ایسه پولیسجه درحال عائد اولدینی دائره
مأمورلرینه اخبار کیفیت ایدیه جک ومأمورین
مومی الیهک ورودینه قدر او علتک توسع ایتماسی
ایچون تدابیر لازمه اتخاذ اولنه جکدر.

١٢٦ ماده ابنیه ودیوار انهدامی ولغم چوکسی
کبی تهلکلی احوال وقوعنده پولیسجه ماده سابقه
وجهله عائد اولدینی دائره مأمورلرینه اخبار کیفیتله
برابر تدابیر مقتضیه اجرا قلنه جکدر.

١٢٧ ماده برمحله لزومندن زیاده پترول
ونفت واسپرتو وامثالی مواد مشتعله بولندی پولیسجه
کوریلورایسه عائد اولدینی مأموره اخطار ماده به
مسارعت واولبابده تدابیر احتیاطیه به توسل
ایدیه جکدر.

١٢٨ ماده نظاماً دفن اموات جائز اولمیان
محللره اموات دفن ایدیه جکی پولیسلر طرفندن کوریلور
وخبیر آلتورایسه درحال منع اولنه جکدر.

١٢٩ ماده برمحله اتمک وات وسائر حوایج
ضروریه نک ندرت ویافقدانی کورندیکی حاله پولیسلر
همان مأمورین بلدییه ومرجعه اخبار ایله برابر
احتیاجات اهالینک تدارکی ایچون کندی طرفلرندن ده
تدابیر لازمه مسارعتله اهالینک دوچار مضایقه
اولملرینه میدان ویرمیه جکلر وحوایج مذکور نک
سبب وصورت مفقودیتی حقنده تحقیقات مقتضیه یی
ایفا وبونده برائر احتکار کورندیکی حاله کیفیتی
منسوب اولدقلری دائره به اخبار ایله جکلردر.

١٣٠ ماده پولیسلر برمحله واپور ویا

شمندوفره یتیمه مامک ویاخود شمندوفرک حرکت ایدهمامسندن ناشی قالمق کبی احواله تصادف ایدجک اها لیدن کیده جک برلری اولانلری کوندرمک ویرلری اولیانلری مناسب محلله برلشدریمک صورتیه تسهیلات کوستره جکلردر .

۱۳۱ ماده پولیس مأمورلری بولده خسته له رق ویا قضا وسائر برعارضیه دوچار اوله رق دوشوب قلش ومسکسته کیمکه غیر مقتدر بولمش اولان کسانئ مناسب برواسطه نقلیه ایه مسکسته ایصال ایتک وعاجلاً محتاج تداوی ایهلر درحال الک یقین بر اجزاخانه کتوره رک تداوی ایتدیرمک ولدی الحاحه اوکیلر ایه کیمک ویاخود یانلریه بر مأمور ترفیق ایلک کبی معاوننده بولنه جکلردر .

۱۳۲ ماده برمحله فیضان میاه ویا حرکت ارض کبی آفات وقوعنده پولیسلر اهانلک تخلص جان وماللری امرنده اتخاذ تدابیره مسارع ت ومرجعاریده اعطای معلومات ایلجه جکلردر .

۱۳۳ ماده زقاقدره سرسریانه طولاشدقلری کوریلان وسمت واقامتکاهی خبر ویرمکدن عاجز بولنان اطفالک خانه وولیس هان تحقیق ایدیلرک تسلیم اولنه جکلردر .

۱۳۴ ماده برمحله ویا طریق سؤال ایتک ایچون مراجعت ایدلره پولیس مأمورلری ارائه محل وطریق ایدجکلردر .

(مابعدی وار)

محاکمات قضاوتیه

امروز قضای بدایت محکمه سی رئیس سابق عبدالرحمن درویش افندیک اوراق افصالیه ومدافعه نامه سی انجمن انتخاب مأمورین عدلیه جه لدی التدقیق جواز استدنامه قرار ویرلشدر .

محکمه تمیز استدعا دائره سندن تنظیم واعطا قناتن اعلامدر :

آیدین ولایتی استیناف محکمه سی جزادائره سندن تنظیم واعطا قناتن ۲۶ نisan سنه ۳۳۳ تاریخی ویش یدی عدلی اعلامک تمیزاً تدقیقی مستدعی علی ضیا طرفندن ویریلان استدنامه واوراق متفرعه سی باش مدعی عمومیک مأموریت بهیسنک ۲ اغستوس سنه ۳۳۳ تاریخی تبلیغنامه سی ایه محکمه تمیز استدعا دائره سنده تودیع اولمش ولدی التدقیق مذکور استدنامه ک مدتی ظرفیده ویرلیدی وشروط قانونیه سنده موافق بولنیدی اکلشلمش

اولدیندن بالقبول تدقیقات تمیز به اجراسنه ایتدارقلندی . اعلام مذکورک خلاصه مفادی رفعت افندی بی متعدد محللرندن جرح ایلیدی ادعاسیه مظنون علیه اولان ضیانک عند الحاکمه فعل مذکورک مرتکبی اولدینی شهادت وراپورلر مندرجانی ایه ثابت اولدیندن قانون جزانک یوز یمش سکزنجی ماده سی حکمنه توفیقاً برسنه مدته حبسنه دائر غیباً لاحق اولان حکم ابتدائی علیه محکوم مزبور طرفندن اقامه اولنان استیناف دعواسی اوزرینه سبق ایدن محاکمه وتدقیقات استینافیه نتیجه سنده حکم واقع موافق اصول وقانون ایهده فعل مذکورک بر مقصده مبتی اولماسنه ومحمکومک دخی مجروح بولنسنه نظراً تشدید جزایی موجب برحال کوریه مدیکندن مدت حبسک الی ماهه تنزیلی صورتیه حکم ابتدائیک تعدیلاً تصدیقه قرار ویرلیدی متضمندر .

لا محظه تمیز یده فعل مذکورک مقابله ایقاع ایلیدی کندوسنک دخی مجروحیتی ایه مثبت ایکن محکمه استینافیه جه بوراسی نظر دفته آلفقسنرین محکومیتی جهته کیدلسی مغایر اصول اولدینی بیانیله اعلامک تقضی استدعا اولمش وتبلیغنامه ده دخی اعتراض مذکورک بجا اولدینی کورلشدر .

ایجابی لدی المذاکره مظنون مرقوم انشای محاکمه کندوسنک روولور قورشونیه کوکسندن مجروح اولدینی ومدعی شخصی رفعت افندی بی محافظه نفس بولنده بالمقابله جرح ایلیدی وعسکری خسته خانه سنده مدت مدیده تداویده بولنوب مرمنک دخی عملیات جراحیه اجراسیه اخراج اولنیدی بیان وافاده ایش ایکن شو افاداتیله مدعیات سائرک یکان یکان اسباب ردیه سی کوسترنامش ومحمکه بدایتجه تعیین قناتن حبس مدتده اصابت کورلیدی حالده بوقفندن حکم ابتدائیک فسخیه محکمه مذکوره جه غیباً جریان ایدن محاکمه ده دخی جلب واستماع اولنوب افادات استنطاقیه لرینک قرائتیه اکتفا اولنان شهودک بالجلب مواجهه طرفینده استماعی صورتیه محاکمات جاریه نک تعریفات قانونیه ب توفیق لزومندن ذهول اولنهرق اعلام ابتدائیک تعدیلاً تصدیقه قرار ویرلش ولسی لایحه تمیزیه درمیان اولنیدی وجهله مغایر قانون کورنمش اولدیندن اصول محاکمات جزائییه قانوننک اوچیز اون دردنجی واچیز اون طقوزنجی ماده لرلی موجبجه اعلام استینافینک تقضیه احکام قانونیه دائره سنده ایفای معامله اولنق اوزره اوراقنک محکمه مزبوره یه اعاذه سنه ۳۰ تشرین اول سنه ۳۳۳ تاریخده متفقاً قرار ویرلدی .

۶۳۹ نومرولی نسخه ده مندرج در سعادت جنایت محکمه سی اعلامنک مابعدی :

مدعی عمومیک مقامندن معطی شهود بولسه سنده اسامیسی محرر اولان کسانک دعوت واقعیه اتباعاً ورود ایتدکاری خبر ویرلکه حضور محکمه یه چیقاریله رق عندالسؤال طرفینه خصومت ومناسبت ومنع شهادت درجه ده قرابتلری اولدینی اکلشلمسیه قانونک تعریفی وجهله امر تحلیفلی بعدالاجرا منفرداً ومواجهه استماع اولندقلرنده بولنردن صولی قله ده باباسی شوقینک خانه سنده اقامته طاووقیق ووزورناجیلی ایتدیکنی سوبلین اون یش یاشنده آستانه لی علوش بن شوق برجه ایتدی کیجه سی خانه سنده یاقنده ایکن تخمیناً ساعت درت یچق راده لرنده برکورتی ایشتمکه جیقوب یاقندینده کورتلینک متهم حقینک خانه سندن کلکده اولدینی اکلشلمسیه او طرفه کیتدیکنده مقتول ادهمک متهم قوللرندن طومش اولدینی حالده یچاغی بلند اده عشقه بولکنر دیوب وبالا آخره متهمی بر اقوب والی بوکرنده اوله رق ایکی بوکم اولدینی حالده اشاغی اینوب نی حق اوردی دیدیکنی ومتهم حقینک اوزرینی تحریری ایش ایهلرده یچاق ظهور ایتدیکنی وورود ایدن مأمورین ضابطه متهمک خانه سنده تحریات اجرا ایتدکاری صرده متهمک یتانگک یصدینی آلتندن بر یچاق چیقاردقلری کورمش ایهده دملی اولوب اولدینک فرقه ده اوله مدینی افاده مضبوطه استنطاقیه سنده مطابق صورتده اخبار وعند الاستیضاح منازعه دن مقدم حاضر بولنه مدینی اجلدن مقتولک متهمک خانه سنده نه صورتله کیردیکنی ومتهمک برونندن قان آقوب آفندی ووقعه نک صورت جریانی بیلمدیکنی ومتهمک مقتول ایه کوریشور ویرلکه عشرت ایدر اولدقلری وشهادتنک متهم حق یه عا ئله ایدوکنی علاوه تذکار ایلدی . لدی السؤال متهم حق شاهد مرقوم مقتولک دایسنک اوغلی اولدیندن شهادتی قبول ایتیه جکی سوبلیدی .

محل مذکورده ساکن زورناجی رضانک زوجیه سی اولدینی ومقتول ادهم خاله سنک اوغلی بولنیدی سوبلین بکری یاشنده آستانه لی فاطمه بنت شوقی دخی بر کیجه ساعت درت یچق راده لرنده حاصل اولان کورتی یه جیقوب یاقندینده مقتول ادهمک متهم حقینک خانه سی قوسی اوکنده یاقنده و آمان نی حق اوردی یچاغی الندن آلیکز دیکده اولدینی کورمش وبالا آخره

ورود ایدن مأمورین ضابطه متهمی طوته رق یچاغی دخی آلدقلری ایشتمش اولدینی ومنازعه نک بدایتده یتیمه مدیکی جهته کیفیت جرحی مشاهده ایدمدیکنی افاده مضبوطه استنطاقیه سنده موافق صورتده یاد ولدی الاستفسار قبل الوقعه متهمک مقتول ادهم سب ایتدکه اولدینی ایشتمش و مرقوم ادهمک متهمک خانه سنده نه ایچون کیتدیکنی بیلمدیکنی ومتهمک برونندن قان آفندی دخی کورمدیکنی وکورتی متهم حقینک خانه سنده وقوعولدینی ومتهم ایه مقتولک کوریشورلر ویرلکه عشرت ایدرلر ایدوکنی ومقتول ادهمک نزدنده یچاق اولوب اولدینی بیلمدیکنی وشهادتی متهم حق یه راجع ایدوکنی علاوه ایراد ایتدی .

متهم حق شاهد فاطمه مقتولک اقرباسندن اولدیندن شهادتی قبول ایتز اولدینی سوبلیدی .

محل مذکورده ساکنه سیتی شعبانک زوجیه سی اوتوز یاشنده آستانه لی تصویر بنترسم بر کیجه خانه سنده یاقنده ایکن جان قورتاران یوقی دیو برس ایشتمکه زوجی ایه برلکده متهمک خانه سنده قوشدقلرنده او طه دروننده مقتولک متهمی طوته رق آرقه سنی او طه قوسه دایتمش وایکی قوللرندن طومش اولدینی حالده مقتول مرقوم کندولرینه خطاباً آمان حقینک اوزرینی آرایک یچاق وار ایهه آلک نی اوردی قورتارک دیدیکندن هان مرقوم ادهمی سوراق قوسی اوکنه ایندر دکلری وبصورده کلش اولان مأمورین ضابطه ادهمک قوشاغنی جوزدکلرنده بلندن قان آفده اولدینی کوردکلری و فریادک وقوعنی معقب قوشوب متهمک خانه سی اوکنه کلدکاری صرده ایچورده طیباق سنی طویدینی افاده مضبوطه استنطاقیه سنده موافق صورتده بیان وعند الاستیضاح کیفیت جرحی رأی العین مشاهده ایتوب جارحک متهم اولدینی مقتول ادهمک ایشتمش و مقتول متهمک خانه سنده بعضاً کیدر ویرلکه عشرت ایدر ایهلرده وقعه کیجه سی آرو ایچدکلری ومتهمک برونندن قان کلدیکنی وائنده یچاق بولنیدی کورمدیکنی مرقوم ادهمک دخی یچاق طاشیوب طاشایدینی ووقعه کیجه سی متهمک خانه سنده نه مقصده کیتدیکنی بیلمدیکنی وحقنده شهادت ایتدیکنی متهمک حاضر الحاکمه حق ایدوکنی علاوه درمیان ایلدی .

متهم حق طعن سابقی بوشاهده حقنده دخی تکرار ایتدی .

سیتی اصافندن محل مذکورده ساکن قرقیش یاشنده آستانه لی قبطی شعبان بن شعبان زوجیه سی تصویرک شهادته موافق وافاده مضبوطه استنطاقیه سنده مطابق صورتده اخبار کیفیت ایتدی .

متهم مرقوم سوپروتی دوکک مسئله سندن طولانی بوشاهد ایه منازعه ایتدکلرندن کندوسنه خصوصتی بولنیدی ولدی السؤال خصومت مسروده نی اثبات ایدمه جکی سرد وشاهد مرقوم دخی خصومت سوزنی رد ایلدیلر .

فاتحه خسرو پاشا محله سنده اون ایکی نومرولی خانه ده اقامته شهرامنی مرکزنده مستخدم وطقوزنجی بولک بکری یدی نومرو سنده مقید و مرقم اوچنجی صنف پولیس قومیسر لرندن اولدینی سوبلین بکری یدی یاشنده آستانه لی محمد کال افندی ابن محسن بر کیجه دوریه کز مکده ایکن صولی قله دن طوغری جان قورتاران یوقی دیو ایشتمش بر فریاد اوزرینه درحال کیتدیکنده ادهمک مجروحاً او طه سنده یاقنده اولدینی کورمکه وسؤالنده کندوسنی حقینک جرح ایتدیکنی سوبلکه متهم حق نی در دست ایه یچاغی صور دینده یتانگک آلتنده اولدینی افاده ایلدیکندن کیدوب یصدینک آلتندن قین دروننده اولدینی حالده سیاه قبضه لی وتازه اولدینی اکلشیلان قانی بزایله سیلنمش بر یچاق بولدینی ومتهمک اوزرینک تحریسنده دخی قانی بر یازمه مندیل چیقندینی کبی فانیله وطوننده دخی قان لکلری کوردیکنی واستجوابنده ادهمی کندوسنی جرح ایتوب بالعکس کندوسنک مرقوم طرفندن ضرب اولنیدی سوبلیدی ومتهم مرقومک وجودینک صول جهتنده بره علائمی وصول الیک اورتیه یارمغه ده یچاقه حاصل بر یاره دخی مشاهده ایتدیکنی افاده مضبوطه استنطاقیه سنده موافق صورتده اخبار وعند الاستفسار بولش اولدینی قانی یچاق ایکی یارمق اکسده وبر قاریشدن فضله اوزونلقده اولدینی ومتهمک یارمغه ده کیسک یکی اولوب حتی متهمدن سؤالنده قاز کسرایکن حاصل اولدی دیدیکنی وشهادتنک حاضر الحاکمه حق حقنده ایدوکنی علاوه تذکار ایلدی .

متهم حق بنم یچاغم یوقدر دیدی . طاووقی اصافندن صولی قله ده ساکن بکری بر یاشنده آستانه لی سالم بن شوقی دخی شاهد سیتی شعبان زوجیه سی تصویر شهادته موافق وافاده مضبوطه استنطاقیه سنده مطابق صورتده حکایه کیفیت لدی السؤال متهم حق افادات سابقه سنی تکرار ایلدی .

(بقیه سی کله جک نسخه یه)

محاکمات انتظامیه

قلعه جک قضای ناچی وبدایت محکمه سی رئیس

فخر الدین افندیک خلاف قانون حبس وتخلیه اشخاصه جرائی آتقره ولایتی استیناف مدعی عمومیکندن وارد اولان اوراق تحقیقه مندرجاتندن اکلشلمسینه مبنی رئیس مومی الیهک محاکمه آتته آتتمسه عدلیه نظارت جلیله سنجه مآذونیت ویرلهرک محله تبلیغات لازمه اجرا کیفیت محاکمه سندن طرف عالی مشیختنهای ده معلومات اعطا قلنمشدر .

بوظفان قضای بدایت محکمه سی مدعی عمومی معاون وکی پولیس قومیسری حافظ رضا افندیک مواد معینه وظیفه مأموریتی سوء استعمال ایلدی آیدین وجزایر بحر سفید ولایتلری عدلیه مقتشکلندن وارد اولان اوراق تحقیقه مؤدا سندن اکلشلمسینه مبنی محاکمه آتته آتتمسه عدلیه نظارت جلیله سندن مآذونیت ویرلهرک مذکور مدعی عمومیک تبلیغات لازمه اجرا ایدلشدر .

اعلانات

تجارت بحیره محکمه سنده

در سعاده فنجانیلر یقوشنده شرق چارسوسنده ۲ نومرولی مغازه ده وساقزده کاوساله تجارتیه مشغول قالوکیو برادرلر شرکتک ۱۹ کانون اول سنه ۳۲۳ تاریخندن اعتباراً اعلان افلاسنه ومصالح افلاسیه نک رؤیت وتسویسه ضمنده اعضای محکمه دن سعادتو ابراهیم بک ژوز قومیسر ودعوی وکیلرندن ماناس انوموتاری افندیک موقت سندیک تعینلرینه ومغازه سیله اشیا زائده یتیمه سنک تمهیریه واوراق ودفاترینک جنبه وكفالت مصدقه ارانه ایدمدیکی تقدیرده حبس وتوقیفه وبوباده کی قرارک موقفاً اجراسنه تجارت بحیره محکمه سندن قرار ویرلش اولدینندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو ۳۲۳ سنه سی کانون نایسنک سکزنجی صالی کونی ساعت یدی راده لرنده اصحاب مطلوبک محکمه مذکورده مکصالح افلاسیه رؤیته مخصوص او طه سنده کلیری اعلان اولنور .

اسکدارده چارسو بوننده قره جه احمد جاده سنده دکاننده ساکن ایکن تجارت بحیره محکمه سندن افلاسنه حکم اولمش اولان مفرد یچکلرکیان ذمتده آله جفی اثبات ویا موقفاً قبول وقید ایتدیرمش اولان آله جقورلک قانوننامه تجارتک ۲۱۱ نجی و آتی ولی ایدن

ماده سی موجب مجله مفلس طرفندن تکلیف اولنه حق قوتقورداتونک مذاکره سی ایچون ۳۲۳ سنه سی کانون اولنک یکریمی طقوزنجی جمع ایرتسی کونی محکمه مذ کوره نک مصالح افلاسیه رؤیته مخصوص اوطه سنه کلری اعلان اولنور .

ایکینجی تجارت محکمه سنه :

در سعادتده توتون کرکنده ۱۸ نومرولی مغازه ده مقیم پینر تجارتیه مشغول قسطی بقله جی اوغلی و شرکاسنک ۱۵ کانون اول سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنده اعضای محکمه دن عزتوسانج بکک ژور قومیسر و دعوی وکیللرندن سموئل انسطاسیادی و تجارندن بدوساکی یوسفیدی افندیلرک موقت سنديک تعیینلرینه و مغازه سیله اشای زائده بیتیه سنک تمهیرینه و اوراق و دفاترینک جلبنه و کفالت مصدقه اراهه ایده مدیکی تقدیرده حبس و توقیفنه و بوباده کی قرارک موقتاً اجراسنه ایکینجی تجارت محکمه سنجه قرار ویرلش اولدیغندن قانونامه تجارتک ۱۷۰ نجی ماده سی موجب مجله دائمی سندیکلر انتخاب اولنق اوزره اشبو ۳۲۳ سنه سی کانون اولنک یکریمی طقوزنجی جمع ایرتسی کونی ساعت یدی راده لرنده اصحاب مطلوبک محکمه مذ کوره نک مصالح افلاسیه نک رؤیته مخصوص اوطه سنه کلری اعلان اولنور .

غلطه ده قره کویده ۱۷ نومرولی مغازه ده مقیم امور صرافیه ایله مشغول ن. قواداس و شرکاسنک ۱۳ کانون اول سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنده اعضا ملازمی رفعتلر بدوساکی افندیلرک ژور قومیسر و دعوی وکیللرندن محمد بهرام و تجارندن نيقولا کی افندیلرک موقت سنديک تعیینلرینه و مغازه سیله اشای زائده بیتیه سنک تمهیرینه و اوراق و دفاترینک جلبنه و کفالت مصدقه اراهه ایده مدیکی تقدیرده حبس و توقیفنه و بوباده کی قرارک موقتاً اجراسنه ایکینجی تجارت محکمه سنجه قرار ویرلش اولدیغندن قانونامه تجارتک ۱۷۰ نجی ماده سی موجب مجله دائمی سندیکلر انتخاب اولنق اوزره اشبو ۳۲۳ سنه سی کانون نایسنک بشنجی جمع ایرتسی کونی ساعت یدی راده لرنده اصحاب مطلوبک محکمه مذ کوره نک مصالح افلاسیه رؤیته مخصوص اوطه سنه کلری اعلان اولنور .

استانبولده استارجیان خاننده ساکن ایکن ایکینجی تجارت محکمه سنندن افلاسنه حکم اولنش اولان تاجر و قومیسر یونجی یورکی ماوردینک

خصوصات افلاسیه سنک رؤیت و تسویه سی ضمنده دعوی وکیللرندن عنکلوس یوانیدیس و کشیش اوغلی او دیسه نا و نيقولا کی سینادی افندیلر اصالة سنديک تعیین قلمش اولدقلرندن مفلس مرقوم ذمتده آله جفی اولانلرک قانونامه تجارتک ۱۹۹ و ۲۰۰ نجی ماده لری موجب مجله تحقیق دیون ایچون تاریخ اعلانندن اعتباراً یکریمی بر کون ظرفنده سنداتی محکمه کاتبه تسلیم ایلری و مدت مذ کوره ختامندن صوکره اوچ کونده یعنی ۳۲۳ سنه سی کانون نایسنک اون ایکینجی جمع ایرتسی و اون دردنجی بازار ایرتسی و اون بشنجی صالی کونلری ایکینجی تجارت محکمه سنک مصالح افلاسیه رؤیته مخصوص اوطه سنه کله رک سنديک افندیلر مواجهه سنده آله جق لری اثبات و قید و تصدیق ایتدیرملری و مدت مذ کوره ده اثبات وجود ایده میان آله جق لور حقدده قانون مذ کورک ۲۱۰ نجی ماده سنه توفیقاً ایفای معامله اولنه جفی اعلان اولنور .

سرکه جیده کلبنکیان خاننده ساکن ایکن ایکینجی تجارت محکمه سنندن افلاسنه حکم اولنش اولان سرکز کلبنکیان و مخدوملری ذمتده آله جفی اثبات و یا موقتاً قبول و قید ایتدیرمش اولان آله جق لورک قانونامه تجارتک ۲۱۱ نجی و آتی ولی ایدن ماده سی موجب مجله مفلس طرفندن تکلیف اولنه حق قوتقورداتونک مذاکره سی ایچون ۳۲۳ سنه سی کانون اولنک یکریمی ایکینجی جمع ایرتسی کونی محکمه مذ کوره نک مصالح افلاسیه رؤیته مخصوص اوطه سنه کلری اعلان اولنور .

در سعادتده طاشجیلرده نومروسز مغازه لرنده ساکن ایکن ایکینجی تجارت محکمه سنندن افلاسنه حکم اولنش اولان پینر جی قالین اوغلی استفان و شرکاسی ذمتده آله جفی اثبات و یا موقتاً قبول و قید ایتدیرمش اولان آله جق لورک قانونامه تجارتک ۲۱۱ نجی و آتی ولی ایدن ماده سی موجب مجله مفلس طرفندن تکلیف اولنه حق قوتقورداتونک مذاکره سی ایچون اشبو ۳۲۳ سنه سی کانون اولنک یکریمی یدنجی بخشنه کونی محکمه مذ کوره نک مصالح افلاسیه رؤیته مخصوص اوطه سنه کلری اعلان اولنور .

در سعادت اعمال نظامیه اجرا دأره سنه :
ام کلثوم خاتم و سائر نک کیغورق قلنجیان اغا ذمتده با اعلام محکوم به آله جق لرندن طولانی مدیون مرقومک عهده تصرفنده بولنان مقری قریه سنده باروتخانه جاده سنده تخمیناً سکسان درت آرشون عرصه اوزرینه مبنی بر تراچه و تخمیناً یوزاون آرشون

باغچی و سننوی اون سکر عدد لیرای عثمانی ایجار کتوریر مقدا خانه والیوم اون درت نومرولی دکاتک تمامی علی الاصول اجرا قلنان مزایده نتیجه سنده لیرای عثمانی یوز غروش حسابیه اون اوچییک غرو شده طالبی عهده سنده تقرر ایتش اولدیغندن یوزده بش ضم ایله زیاده طالب اولانلرک تاریخ اعلانندن اعتباراً او توز بر کون ظرفنده در سعادت اعلامات نظامیه اجرا دأره سنه مراجعت ایلری و مدت مذ کوره ختامنده یعنی کله جک کانون نایسنک یکریمی اوچنجی کونی قرار قطعیسی کشیده قلمق اوزره مذ کور دکان پیشکاهنده مأموری مواجهه سنده حاضر بولملری و مدت مذ کوره نک انقضاسندن صوکره ضم قبول اولنه میه جفی اعلان اولنور .

آله تجارت محکمه سنه

آطنه ده یکی بدستانده مانیفاتوره تجارتیه مشغول ایکن آطنه تجارت محکمه سنندن افلاسنه حکم ایدلش اولان حیره بتیان بدروسک خصوصات افلاسیه سنک رؤیت و تسویه سی ضمنده تجارندن خواجه سلیم بطروس اصالة سنديک تعیین قلمش اولدیغندن مفلس مرقوم ذمتده آله جفی اولانلرک قانونامه تجارتک ۱۹۹ و ۲۰۰ نجی ماده لری موجب مجله تحقیق دیون ایچون تاریخ اعلانندن اعتباراً یکریمی بر کون ظرفنده سنداتی محکمه کاتبه تسلیم ایلری و مدت مذ کوره ختامندن صوکره اوچ کونده یعنی ۳۲۳ سنه سی کانون اولنک یکریمی بشنجی صالی و یکریمی التنجی چهارشنبه و یکریمی یدنجی بخشنه کونلری آطنه تجارت محکمه سنک مصالح افلاسیه رؤیته مخصوص اوطه سنه کله رک سنديک مومی ایله مواجهه سنده آله جق لری اثبات و قید و تصدیق ایتدیرملری و مدت مذ کوره ده اثبات وجود ایده میان آله جق لور حقدده قانون مذ کورک ۲۱۰ نجی ماده سنه توفیقاً ایفای معامله اولنه جفی اعلان اولنور .

قلعه سلطانیه بدایت محکمه سی اجرا دأره سنه :
قلعه سلطانیه اعلامات جزائییه بقایا تحصیلدار سابق محمد علی افندیلرک کفیلی قوندره جی علی اوسته نک محجوز غیر از سکنا ایکی باب خانه سی تاریخ اعلانندن اعتباراً اون بش کون صوکره موقع مزایده یه وضع اولنه جفی قلعه سلطانیه سنجانغی بدایت محکمه سی اجرا دأره سنندن اعلان اولنور .